

angehörter massen/ in. ♂: gegen. ♀: auch widerumben von  
 • ♀: in. ♀: setzt/ so bekompt er gleicher weiß/ die rechte form dtses Dachstuls  
 • ♀. ♂. ♀: dann eben in diser proportion, so muß der Gibel des Dach-  
 wercks/ auch auffgemaurt werden/ alsdann so hat man sich eines guten be-  
 ständigen von dem Wasser vnd schnee wol ablauffenden Dachstuls zuver-  
 sehen. Dann eben auff dise weiß / so sollen alle vnd jede/ nach dem sechsten  
 theil/ von der braite/ abgefürzte Sparren des Dachstuls gerichtet seyn / so  
 wird alsdann jeder Sparren.  $62\frac{1}{2}$ : Werckhschuch lang werden / warbey  
 man sich wol darff finden lassen. Sonsten aber/ vnd etwan bey den kleinen  
 Gebäwen/ so geschicht es wol auch / daß man allein den.  $\frac{1}{8}$ . von der braiten  
 fallen läßt/ so werden die Tächer hernach röschter kommen/ wie sich dann der  
 erfahrne Zimmermeister nach gelegenheit des Gebäwes wird zuuerhalten  
 wissen.

### Der Fünffte außere Auffzug.

**A**lleso so wird nunmehr die ganz verfertigte Kirchen / wie sie dann  
 außwendig / im hinzutretten/ ein ansehen hat / sambt ihren Portalen  
 vnd Fensteren/ neben dem Gloggenthurn/vor Augen gestellt/ welches  
 Gotteshaus dann/ wofers die sachen mit guter Vernunfft vnd Vortheln an-  
 gegriffen wird/ ohne sondere grosse Vnkosten (. Sintemahlen die außwen-  
 digere Kirchenmauren mit einer dunckeln gelblichten wascheten oberfahren/  
 die Gesimbs vnd flache Seülen aber etwan nur zween Zoll herfür erhoben/  
 vnd weiß gelassen werden/ so kombt es frisch / vnd beständig her auß. ) mit  
 vorernandten so guten commoditeten köndte auffgebawet werden. Hies-  
 bey dann alle Christeyferige Menschen mit Rath vnd That / daß irige zu-  
 thun nicht vnderlassen sollen/ welche Gutwilligkeit der Allmächtige  
 Gott/ hie zeitlich/ vnd dort ewig wird belohnen.

Amen.

E R D E.